

Na osnovu člana 39. Statuta Općine Čelić („Službeni glasnik Općine Čelić“, broj: 3/17), Budžeta Općine Čelić za 2020.g . („Službeni glasnik Općine Čelić“, broj: 9/19) Člana 21. Odluke o izvršenju budžeta („Službeni glasnik Općine Čelić“, broj:2/2021) godine, Člana 6. i 7. Odluke o utvrđivanju uslova, kriterija i postupka dodjele stipendija („Službeni glasnik Općine Čelić“, broj 2/16) i Odluke o izmjeni i dopuni odluke o utvrđivanju uslova, kriterija i postupka dodjele stipendije („Službeni glasnik Općine Čelić“ 5/19), Načelnik općine Čelić raspisuje:

KONKURS

za dodjelu stipendija redovnim studentima sa prostora općine Čelić u akademskoj 2020/2021. godini

I

Raspisuje se Konkurs za dodjelu stipendija redovnim studentima sa područja općine Čelić za akademsku 2020/2021. godinu.

II

Uslovi za dodjelu stipendija

Pravo prijave na konkurs za dodjelu stipendije ima kandidat koji ispunjava slijedeće uslove:

- da je državljanin Bosne i Hercegovine,
- da ima prebivalište na području općine Čelić,
- da je redovan student prve ili viših godina studija na jednom od Univerziteta u BiH,
- da prvi put upisuje određenu godinu studija,
- da ne prima stipendiju ili kredit iz drugog izvora

III

Kriteriji za dodjelu stipendija su:

- uspjeh u prethodnim studijskim godinama,
- statusne povlastice,
- materijalni položaj
- broj članova domaćinstva

IV

Potrebna dokumentacija

Uz prijavu na konkurs studenti su obavezni priložiti slijedeće dokumente :

- a) uvjerenje o prebivalištu ili kopiju cipsove lične karte (original ili ovjerena fotokopija),
- b) za člana porodice poginulog, nestalog, umrlog branitelja i RVI ovjerena fotokopija prvostepenog ili revizornog rješenja o ostvarivanju prava odnosno izvod iz MKU (original ili ovjerena fotokopija),
- c) za DB dokaz o pripadnosti braniteljskoj populaciji- uvjerenje o plaćama u OS ili drugo uvjerenje koje izdaje nadležni Organ odbrane (original ili ovjerena fotokopija),
- d) za pripadnika radne obaveze dokaz o pripadnosti (original ili ovjerena fotokopija),
- e) za pripadnika CZ dokaz o pripadnosti (original ili ovjerena kopija),
- f) za dijete civilnih žrtava rata i dijete civilnih invalida dokaz o priznatom svojstvu (original ili ovjerena fotokopija),
- g) za korisnika stalne novčane pomoći dokaz o priznatom pravu (original ili ovjerena fotokopija),
- h) kućna lista kandidata (original ili ovjerena fotokopija),
- i) dokaz o primanjima svih punoljetnih članova domaćinstva (original ili ovjerena fotokopija),

- j) uvjerenje sa Biro-a za zapošljavanje za sve nezaposlene članove domaćinstva, a u koliko se ne vode na evidenciji Biro-a za zapošljavanje, Uvjerenje Poreske uprave iz Baze jedinstvenog informacionog sistema (original ili ovjerena fotokopija),
- k) potvrda o redovnom studiju (original ili ovjerena fotokopija),
- l) dokaz o ostvarenom uspjehu u prethodnoj studijskoj godini (original ili ovjerena fotokopija),
- m) izjava kandidata da ne prima stipendiju ili kredit iz drugog izvora ovjerenu od strane nadležnog općinskog organa uprave (original ili ovjerena fotokopija),
- n) fotokopija žiro računa podnosioca prijave.

V

Komisija ima pravo provjeriti vjerodostojnost i tačnost svakog dostavljenog dokumenta. Ako komisija, poslije provjere, utvrdi da dostavljeni podaci nisu tačni ili da su lažni, zahtjev će odbaciti.

VI

Neblagovremene i nepotpune prijave neće biti razmatrane.

VII

Konkurs ostaje otvoren 20. dana od dana objavljivanja.

Prijavu sa potrebnom dokumentacijom dostaviti lično na pisarnicu općine Čelić ili putem pošte na adresu: : **Općina Čelić 75246 , Ulica Alije Izetbegovića 60-II., sa naznakom „Komisija za provođenje konkursa i utvrđivanje liste za dodjelu stipendija“ „NE OTVARAJ“**

Obrazac prijave i izjavu zainteresovani kandidat može preuzeti:

- sa web stranice općine Čelić i
- u šalter sali općine Čelić

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ
OPĆINSKI NAČELNIK ČELIĆ

Broj: 02 17-1298-1/21
Čelić: 04 05.2021.godine



Općinski načelnik

Admir Hrustanović
Admir Hrustanović